



Pou Piblikasyon Imedya: 09/04/2022

GOUVÈNÈ KATHY HOCHUL

**GOUVÈNÈ HOCHUL ANONSE 2 MILYA DOLA FINANMAN REZÈV POU
REKIPERASYON ANBA PANDEMI AN NAN KAD BIDJÈ ANE FISKAL 2023 A**

800 milyon dola nan Pwogram Asistans Ijans pou Lwaye nan kad angajman kontinyèl pou sipòte lokatè ak pwopriyetè k ap soufri anba difikilte pandemi an

800 milyon dola pou lopital yo ki toujou ap sibi detrès finansye akòz pandemi COVID-19 la

250 milyon dola pou elimine dèt sèvis publik ki gen rapò ak pandemi an pou fanmi ki gen revni fèb yo

125 milyon dola pou Pwogram Asistans Lwaye pou Pwopriyetè yo pou sipòte pwopriyetè yo ke lokatè yo te refize patisce nan Pwogram Asistans Ijans pou Lwaye an

Gouvènè Kathy Hochul jodi a detaye itilizasyon 2 milya dola nan finansman rezèv pou rekiperasyon anba pandemi nan kad Bidjè Eta pou Ane Fiskal 2023 a. Lè li te prezante Bidjè Egzekitif li a an janveye, Gouvènè Hochul te endike ke li ta travay ak lejislati a pou jwenn pi bon itilizasyon pou fon adisyonèl sa yo, ki pral sipòte yon sèl fwa pwogram ki pa renouvlab ki pral leve Nouyòkè vilnerab ki te frape yon fason ki espesyalman difisil pa pandemi an. Dapre akò ak lejislati a, 800 milyon dola a prale nan Pwogram Asistans Ijans pou Lwaye (Emergency Rental Assistance Program, ERAP), 250 milyon dola se pou asistans sèvis publik, 125 milyon dola se pou Pwogram Asistans Lwaye pou Pwopriyetè (Landlord Rental Assistance Program, LRAP), epi 800 milyon dola pral nan lopital yo ki toujou ap fè fas ak detrès finansye ki soti nan pandemi COVID-19 la. Yon lòt 25 milyon dola prale nan lòt envestisman yon sèl fwa, ki pa renouvlab yo.

"Gen kèk nan kominote ki pi vilnerab nou yo k ap toujou sibi efè devastatè pandemi inik sa a", **Gouvènè Hochul te deklare**. "Yon kriz san parèy egzije yon repons san parèy pou moun ki gen dèt ki sanble ke yo pa ka simonte yo, epi mwen rekonesan anvè patnè nou yo nan lejislati a pou travay yo pou asire finansman enpòtan sa a te enkli nan Bidjè a. Bidjè sa a pral bati sou efò sèt premye mwa mwen yo nan biwo a epi li pral bay sipò pou Nouyòkè ki gen difikilte yo pou yo retounen sou pye yo."

Pwogram Asistans Ijans pou Lwaye

Bidjè Eta Ane Fiskal 2023 a gen ladan yon lòt 800 milyon dola nan fon eta a pou Pwogram Asistans Ijans pou Lwaye a. Gen yon lòt 150 milyon dola yo apwopriye pou pèmèt depans nan finansman federal ke gouvènman federal la te rebay nan Eta New York. Jiska preznan, Biwo Asistans Tanporè ak Andikap (Office of Temporary and Disability Assistance, OTDA) la te distribye plis pase 2.1 milya dola nan finansman federal pou aryere lokasyon yo, pou sipòte plis pase 160,000 fanmi ki gen revni fèb ak modere k ap fè fas ak enstabilite lojman an.

Asistans pou aryere sèvis publik yo

Bidjè Eta pou Ane Fiskal 2023 a pral ajoute 250 milyon dola nan finansman pou elimine aryere sèvis publik yo ki gen rapò ak pandemi pou fanmi ki gen revni fèb, epi redwi tout lòt aryere nan fwaye ki te akimile pandan pandemi an. Depatman Sèvis Publik pral jere finansman sa a an tèt ansanm ak OTDA, òganizasyon konsomatè yo ak sèvis publik yo. Pwogram nan anplis de yon estime \$100 milyon yo dwe peye atravè ERAP pou redwi aryere sèvis publik yo. Anplis de sa, Gouvènè Hochul te lanse yon nouvo inisyativ ant OTDA ak DPS pou otomatikman enskri plis fanmi ki gen revni fèb nan pwogram rabè sèvis publik yo ki pral ekonomize fanmi k ap patisipe yo plizyè santèn dola pa ane sou depans sèvis publik yo.

Pwogram Èd Lwaye pou Mèt Kay

Bidjè Eta pou Ane Fiskal 2023 a gen ladan yon lòt 125 milyon dola pou Pwogram Asistans Lwaye pou Pwopriyetè a. LRAP bay pwopriyetè kay yo asistans lwaye ke lokatè yo pa te aplike pou ERAP, sa enkli ka kote lokatè a te kite pwopriyete a ak aryere yo. Jiskaprezan, déjà gen plis pase 15,000 peman ki totalize plis pase 160 milyon dola ki fèt pou ede pwopriyetè yo.

Swen sante

Pou konstwi sistèm swen sante demen an epi retabli yon mendèv swen sante ki epuize, Gouvènè Hochul pral fè yon envestisman istorik ki evalye a 20 milya dola, sou plizyè ane nan swen sante, ki gen ladan 800 milyon dola nan akò sa a pou lopital ki toujou ap fè fas ak detrès finansye akòz pandemi COVID-19 la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)